

COMUNICATO n. 830 del 30/03/2026

Zuargètt di zboa toaln arbat zo betra un zo sichra in Laaz

Laaz, zuargètt di arbatn vor schiar 10 mildjü euro

[Cimbro] 'Z provintziàl Àmt vor di apalte un kontratte hatt zuargètt di arbatn – inngetoalt in zboa toaln – zo betra in bege boda vüart vodar Valsugâna afta zimbar Hoachebene, aftz disan bege di Provîntz geat vürsen untarzolega gèlt. “A bichtega arbat, vo schiar 10 mildjü euro in gântzan boda geat vürsnen z’soina gemacht verte – asó hatta khött dar vorsitzar vodar Provîntz vo Tria Maurizio Fugatti – 'Z zil vo disan prodjèkt, dakòrdo pinn lentar, iz pezzarn un sicharn in bege von Laaz, haltante kunt von stòrege vèrt boda hatt a bege boda pintet di lentar, servìrt in laüt, dar bichtschaft un in turismo. A bege, darzuar, boda iz starch gearn in sèlln boda gian pinn rat un boda iz toal von Graozan rennen von Trentino gemacht von Giro d’Italia”.

Di arbat S-136 “geredegarn un betarn in provintziàl bege 133 von Laaz – toal 1 un 2” trakk vür di ändarn arbatn boda sa soin khent gemacht vodar Aministratziong aftn bege vo Monterùf, di lestin soinse gemacht verte 'z djar 2023 un hãm geredegart in bege zbisnen in km 6,6 un in km 6,8 (arbat S-891). Di solutzióng, gevuntet pittnândar pinn lânt emtar lekk vür zo macha [an uantzegen näüng tunnel in gianan nidarbart](#), haltante, anvétze, di zboa stòregen stöll zo giana lai in aubart, asó gloabetma az saibe destrar viazarn übarhaup pan summar balda iz mearar trafiko. Di arbatn soin khent zuargètt in an khnopf firmen bodase spoin gelekk panândar 'z soinz: di CASAROTTO SPA vo Strigno (TN) (khnopfvüarar) un di IPOGEO SRL vo Seren del Grappa, boda hãm inngètt mindrante in 6,008% opfrante in gântzan âna sicharom 7.846.483,16 euro, drinn pitt allz bazta âgeat dar sicharom khintz zo khosta 8.081.983,16 euro. Di zaitn zo macha verte di arbatn soin khent geschètt in 560 tang nâ un nâ.

[Dar zboate toal](#) (in gântzan 168 tage arbat) servìrt zo macha verte zo richa in provintziàl bege 133 sichrante di kreutzung zuar Folgrait un Lavròu.

Da näüge umkhear boda bart khemmen gemacht atz Monterùf hatt azpe zil daz sèll zo macha mearar sichar di kreutzung zbisnen in provintziàl bege 133 un in stattbege 349 (boda vüart zuar Lavròu un Folgrait odar zuar Lusérn odar Slege). Dise arbatn soin khent zuargètt dar firma Zortea srl vo Castelnuovo boda hatt ingètt mindrante von 7,426%, in gântzan 858.565,10 euro vo disan 833.165,10 euro vor di arbatn un 25.400,00 euro vor bazta âgeat dar sicharom.

RUP: diridjént von Dianst vor di arbatn afte beng un afte aisanpân – inz. Carlo Benigni.

Übarsetzt von Schaltarle vor di zung von Toalkamou vodar Zimbar Hoachebene

(cdt)